

## Telerau ac Amodau'r Gwasanaeth Casglu Gwastraff Gardd – 2026

Gwneir y cytundeb hwn rhwng y preswlydd ('Cwsmer') a Chyngor Sir y Fflint ('y Cyngor') o Ddepo Alltami, Ffordd yr Wyddgrug, Alltami, Sir y Fflint, CH7 6LG, ac mae'n nodi'r Telerau ac Amodau i'r Cwsmer allu defnyddio Gwasanaeth Casglu gwastraff gardd bob pythefnos y Cyngor ('y Gwasanaeth'). Gall y Cyngor amrywio neu newid y Telerau ac Amodau hyn o bryd i'w gilydd. Bydd y Cwsmer yn cael rhybudd ysgrifenedig o 10 diwrnod am unrhyw newidiadau o'r fath.

1. Yn unol â Rheoliadau Contractau Defnyddwyr (Gwybodaeth, Canslo a Thaliadau Ychwanegol) 2013, mae gan y Cwsmer 14 diwrnod o dderbyn y Telerau ac Amodau hyn i ofyn am ganslo'r Gwasanaeth. Rhaid gwneud ceisiadau i ganslo'r Gwasanaeth yn ysgrifenedig i Gyngor Sir y Fflint, Depo Alltami, Ffordd yr Wyddgrug, Alltami, Sir y Fflint, CH7 6LG neu drwy e-bost, [streetscene@flintshire.gov.uk](mailto:streetscene@flintshire.gov.uk). Ni ellir canslo dros y ffôn.
2. Bydd casgliadau ar gyfer y Gwasanaeth ddim ond ar gael i gwsmeriaid sydd wedi tanysgrifio i'r Gwasanaeth ymlaen llaw, ac yn byw yn Sir y Fflint. Bydd y Cyngor yn seilio eu penderfyniad i wagio neu adael bin gwastraff gardd brown a gyflwynir i'w gasglu o'r sticer adnabod ar y bin (ac a yw'r bin gwastraff gardd brown yn cynnwys unrhyw ddeunydd wedi'i halogi – gweler Gymalau 11 ac 12).
3. Mae tanysgrifiadau Cwsmeriaid yn gallu cael eu hadnewyddu bob blwyddyn ar gyfer y tymor casglu canlynol ('Cyfnod Tanysgrifio'). Dim ond Cwsmeriaid sydd wedi talu am eu tanysgrifiad sy'n gymwys i gael y Gwasanaeth. Bydd y Cwsmer yn cael gwybod am unrhyw gynnydd yn y pris cyn dechrau Cyfnod Tanysgrifio newydd.
4. Mae'r tanysgrifiad i'r Gwasanaeth yn cynnwys tâl blynyddol fel y ganlyn:

Pob taliad (beth bynnag fo dyddiad y taliad) = £38

Mae'r ffi hwn i'r Cwsmer ar gyfer casglu un bin gwastraff gardd brown, sydd wedi'i osod gan y Cyngor am gyfnod tanysgrifio 12 mis llawn. Mae'r Cyngor yn cadw'r hawl i adolygu prisiau tanysgrifio.

5. Gellir darparu biniau gwastraff gardd brown ychwanegol. Bydd tâl o £30 am bob bin gwastraff gardd brown ychwanegol (nid yw hyn yn cynnwys casglu'r bin ychwanegol). Bydd hyn wedi'i gyfyngu i uchafswm o 3 bin. Ni chaniateir i Gwsmer ddefnyddio mwy na 3 bin gwastraff gardd brown yn rhan o'r Gwasanaeth.
6. Rhag unrhyw amheuaeth, mae unrhyw fin gwastraff gardd brown a ddarperir i'r Cwsmer gan y Cyngor (yn cynnwys unrhyw rai newydd) dan drwydded arbennig sy'n gallu cael ei diddymu, a bydd unrhyw fin o'r fath yn gorfod cael ei ddefnyddio'n unol â'r Telerau ac Amodau hyn. Ni chaniateir i'r Cwsmer is-drwyddedu a bydd y Cyngor yn cadw perchnogaeth o'i holl Hawliau Eiddo Deallusol.
7. Mae'r Cyngor yn gwagio biniau gwastraff gardd brown bob pythefnos, rhwng mis Mawrth a mis Tachwedd, a bob mis rhwng mis Rhagfyr a mis Chwefror. Efallai y bydd adegau pan na fydd yn bosibl casglu bin brown y Cwsmer, yn cynnwys, ond nid yn gyfyngedig i: dywydd garw iawn, cerbydau'n torri a/neu weithredu diwydiannol. Os yw'r Cyngor yn methu neu ddim yn gallu casglu bin gwastraff gardd brown y Cwsmer, fel a drefnwyd, bydd y Cyngor yn gwneud pob ymdrech resymol i gasglu'r bin(iau) cyn gynted â phosibl. Ni fydd y Cyngor yn rhoi ad-

daliadau (llawn neu rannol) mewn unrhyw achos, am fethu casgliadau neu am fethu â chasglu bin gwastraff gardd brown.

8. Y Cwsmer fydd yn gyfrifol am y biniau gwastraff gardd brown, sy'n gorfod aros gyda'r eiddo sydd wedi tanysgrifio pe bai'r Cwsmer yn symud tŷ yn ystod y flwyddyn. Os yw'r Cwsmer yn symud tŷ o fewn Sir y Fflint, gellir trosglwyddo'r tanysgrifiad i'w cyfeiriad newydd. Cysylltwch â'r Cyngor i gadarnhau'r manylion drwy e-bost: [streetscene@flintshire.gov.uk](mailto:streetscene@flintshire.gov.uk) <<mailto:streetscene@flintshire.gov.uk>>. Os nad oes gan yr eiddo newydd yn Sir y Fflint fin brown, bydd angen talu £30 am y bin ei hun, a thalu am danysgrifiad ar wahân i'r Gwasanaeth, fel y nodwyd yng Nghymal 5. Os yw'r Cwsmer yn symud allan o Sir y Fflint, ni roddir ad-daliadau (llawn neu rannol).
9. Os oes tystiolaeth bod y cwsmer yn camddefnyddio'r Gwasanaeth neu'r bin gwastraff gardd brown, yna gellir canslo'r Gwasanaeth. Ni fydd unrhyw ad-daliad (llawn neu rannol) dan yr amgylchiadau hyn. Gellir gwneud cais ar wefan Sir y Fflint am ad-daliadau am resymau derbyniol. Unwaith y byddwn wedi ei asesu byddwch yn cael gwybod y canlyniad o fewn 10 diwrnod.
10. Dim ond ar gyfer gwastraff gardd o'r eiddo sydd wedi'i danysgrifio gan y Cwsmer mae hawl i ddefnyddio bin(iau) gwastraff gardd brown. Dim ond gwastraff gardd y gellir ei roi yn rhydd yn y bin.

Gwastraff gardd y gall y Cyngor ei gasglu: glaswellt, tocion gwrychoedd, brigau, rhisgl, dail, blodau, planhigion a changhennau bach.

Eitemau na all y Cyngor eu derbyn: canghennau mawr, rhywogaethau planhigion ymledol a rhywogaethau planhigion anffodorol ymledol, tyweirch, pridd, cerrig, gro, gwastraff bwyd, baw anifeiliaid, cerdyn, plastig, gwastraff cyffredinol, gwellt gwely anifeiliaid.

Dim ond yr eitemau a restrir yn dderbyniol uchod y bydd y Cyngor yn eu casglu, a bydd unrhyw beth arall yn cael ei drin fel halogiad.

11. Ni fydd biniau gwastraff gardd brown wedi'u halogi (h.y. biniau yn cynnwys eitem(au) na all y Cyngor eu derbyn) yn cael eu gwagio. Os yw bin(iau) gwastraff gardd brown y Cwsmer wedi'u halogi, cyfrifoldeb y Cwsmer yw symud yr eitem(au) wedi'u halogi cyn y casgliad nesaf. Os yw'r halogiad yn parhau, gall y Cyngor ddod â'r Gwasanaeth i ben. Ni fydd unrhyw ad-daliadau (llawn neu rannol) ar achlysuron pan fydd bin gwastraff gardd brown y Cwsmer heb ei wagio oherwydd halogiad.
12. Rhaid rhoi'r bin gwastraff gardd brown wrth ochr yr eiddo neu'r man casglu dynodedig erbyn 7.00am ar ddiwrnod casglu'r Gwasanaeth, yn unol â'r calendr casglu a roddir i Gwsmeriaid gan y Cyngor. Rhaid cau caead y bin yn dynn, ac ni chesglir unrhyw wastraff ar yr ochr h.y. dim gwastraff ychwanegol tu allan neu wrth ymyl y bin neu wedi'i osod ar ben y caead. Os nad yw'r Cwsmer yn gallu mynd â'r bin gwastraff gardd brown at ymyl y ffordd oherwydd anabled neu broblemau iechyd, mae'n rhaid iddynt wneud cais i'r Cyngor ymlaen llaw am Wasanaeth Casglu â Chymorth.
13. Os yw bin gwastraff gardd brown y Cwsmer yn cael ei ddifrodi, bydd y Cyngor yn ei drwsio neu'n rhoi un newydd, am ddim, cyn gynted ag sy'n ymarferol o fewn rheswm, ac eithrio mewn amgylchiadau lle mae'r bin gwastraff gardd brown wedi'i ddifrodi drwy esgeulustod neu gamddefnyddio. Os felly, codir tâl ar y Cwsmer am ei drwsio neu am un newydd. Os yw bin gwastraff gardd brown y

Cwsmer yn cael ei ddifrodi, gallant wneud cais ar-lein:  
[www.siryfflint.gov.uk/gwastraffgardd](http://www.siryfflint.gov.uk/gwastraffgardd)

**Mae'r ddogfen hon ar gael yn Saesneg / This document is also available in English**